



USAID
FROM THE AMERICAN PEOPLE



Na osnovu člana 59. Zakona o lokalnoj samoupravi („Službeni glasnik Republike Srpske“, br: 97/16, 36/19 i 61/21), člana 66. Statuta Opštine Kozarska Dubica („Službeni glasnik Opštine Kozarska Dubica“, br. 9/17) i Ugovora o dodjeli granta, broj: 20.04.0-DIC.4358 od 22.06.2022.godine, načelnik opštine raspisuje

JAVNI POZIV za finansiranje biznisa za marginalizirane grupe žena

Podrška marginaliziranim grupama žena u razvoju biznisa ne predstavlja samo takmičenje između projekata za novi biznis nego je usmjerena ka poticanju žena da same osnivaju preduzeća ili obrt.

Organizaciju ovog programa vodi Opština Kozarska Dubica na temelju ciljeva iz strateških dokumenata Opštine Kozarska Dubica. Ovim programom su definisane pojedinosti u smislu uslova za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti s realizacijom dostavljenog poslovnog plana.

Opština Kozarska Dubica raspisuje ovaj Javni poziv na temelju Preduzetničkog fonda za žene, nastalog udruženim sredstvima Opštine i USAID-ovog Programa podrške zaštiti ljudskih prava (INSPIRE).

Ko može aplicirati?

Na konkursu mogu učestvovati žene, pojedinačno ili u grupi, koje se u momentu podnošenja prijave ne mogu okarakterisati kao preduzetnice odnosno vlasnice registriranog biznisa i ranije to nisu bile. Prijave mogu podnijeti punoljetne, s prebivalištem na području opštine Kozarska Dubica, koje imaju poslovnu ideju i žele je realizovati kroz započinjanje vlastitog poslovnog poduhvata na području opštine Kozarska Dubica.

Javni poziv se raspisuje za podršku razvoju mikro, malih i srednjih preduzeća žena žrtava nasilja, samohranih majki, nezaposlenih žena mlađih od 35 godina, dugoročno nezaposlenih žena (bez obzira na godine starosti) žena s invaliditetom ili s djetetom s invaliditetom, žena iz ruralnih sredina, te žena koje su na neki drugi način marginalizirane.

Očekuje se i ohrabruje prijavljivanje i učešće timova u kojima je oko jedne poslovne ideje okupljeno više žena. Šansa da poslovni plan bude realiziran, uz saglasnost podnosioca plana (u slučaju da podnosilac plana ne odluči ući u realizaciju poslovnog plana), veća je ukoliko biznis plan bude imao sve relevantne i realne pokazatelje uspješnosti. Jedan tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

Ko ne može aplicirati?

Javni poziv je namjenjen podršci marginaliziranim grupama žena, te se prijave pojedinaca ili tima u kojem je voditelj tima muškarac neće uzeti u razmatranje. Nepotpune i neblagovremene prijave se neće uzimati u razmatranje.

Aplicirati ne mogu žene koje su ranije bile vlasnice nekog biznisa, čak i ako je taj biznis u trenutku podnošenja prijave na Javni poziv objavljen.

Kakva ideja se može obraditi kroz poslovni plan?

Ovim Javnim pozivom pružice se podrška osnivanju, razvoju biznisa marginalizovanih grupa žena, registrovanih kao (s.p) ili društvo sa ograničenom odgovornošću (d.o.o).

Biznis ideje koje se ne mogu finansirati iz Javnog poziva i koje neće biti podržane su:

- biznis čije djelovanje, proizvodi ili usluge štete životnoj sredini,
- biznis koji se bavi proizvodnjom, prodajom ili prerađevinom duhana,
- biznis koji se bavi proizvodnjom ili prodajom alkoholnih pića ili artikala sa sadržajem alkohola,,
- biznis koji se bavi proizvodnjom ili prodajom oružja i municije,
- biznis koji se bavi igrama na sreću,
- biznis koji se bavi trgovinom i ugostiteljstvom (izuzev originalnih ideja vezanih za turizam i domaće proizvode),
- biznis koji se bavi neetičnim i riskantnim djelatnostima.

Ideja koja se prijavljuje mora se obraditi kao poslovni plan, uz uslov da se realizuje na području opštine Kozarska Dubica. Zamišljenu poslovnu ideju treba pretočiti u poslovni plan prema originalnom obrascu prijave

Komisija će izvršiti vrednovanje poslovnih planova prema jedinstvenim kriterijima.

Kriteriji za vrednovanje poslovnih planova

a) Pozitivni kriteriji:

- da je ispoštovana procedura za pisanje poslovnog plana;
- da se poslovni plan realizuje na području opštine;
- da će biznis djelovati u sektorima (proizvodnja, zanatstvo, turizam) za kojima postoji potreba;
- da realizacija biznisa ne ugrožava životnu sredinu i da je u skladu sa svim važećim zakonima i drugim propisima o zaštiti životne sredine.

b) Kriteriji za ocjenu kvalitete poslovnog plana u okviru sljedećih segmenata (detaljnije obrazloženi u okviru obrasca za ocjenjivanje poslovnog plana):

- poslovna ideja
- broj zaposlenih
- proizvod / usluge
- analiza tržišta
- marketinški plan
- finansijski plan i investicioni plan

c) Eliminatorski kriteriji:

- poslovni plan nije dostavljen u naznačenom roku;
- nedostaju formalni uslovi za kandidovanje poslovnog plana (nepotpuna ili netačna dokumentacija);
- poslovni plan nije popunjen u potpunosti;
- biznis se ne realizira na području opštine;
- biznis je ranije bio registrovan u vlasništvu aplikantice i nakon toga odjavljen;
- aplikantica je osuđivana za krivična djela protiv privrede i krivična djela protiv imovine.

Obrazac za ocjenjivanje poslovnog plana

Vrsta djelatnosti

Proizvodnja	40
Intelektualne usluge	30
Usluge	20
Ostalo	10

Broj zaposlenih

1–2	10
3–4	20
5 ili više	30

Ocjena poslovne ideje

Odlična	30
Dobra	20
Uslovno dobra	10

Ocjena biznis plana

Odličan	20
Dobar	10
Uslovno dobar	5

Investicije (vrsta)

Vlastite	15
Kredit	10

Investicije (vrijednost)

< 10.000 KM	15
10–25.000 KM	10
> 25.000 KM	5

Utjecaj na okolinu

Ekološki čista proizvodnja	15
Potrebna reciklaža	5



Inovativnost

Djelatnost ne postoji	30
Djelatnost slabo zastupljena	20
Djelatnost postoji	10

Prva faza

Javni poziv je otvoren od 28.09.2022. godine, a prijem aplikacija će se vršiti od 28.09.2022. do 28.10.2022. godine.

Aplikantice podnose prijavu Komisiji na objavljeni javni poziv.

Prijava treba sadržavati:

- popunjen poslovni plan;
- kopiju lične karte;
- kopiju prijave o prebivalištu;
- dokaz o pripadnosti kategoriji marginaliziranih žena (potvrda biroa za zapošljavanje o nezaposlenosti, potvrda centra za socijalni rad ili Opštine Kozarska Dubica o pripadnosti jednoj od kategorija marginalizovanih žena);
- izjava da aplikantica nije ranije bila vlasnica biznisa;
- Uvjerenje nadležnog suda da aplikantica nije osuđivana za krivična djela protiv privrede i krivična djela protiv imovine.

Dokumenta koja se prilažu ne smiju biti starija od mjesec dana od dana objavljivanja Javnog poziva.

Aplikantica može tražiti ukupan iznos vrijednosti poslovnog plana ili dio nedostajućih sredstava, što je dužna naznačiti u zahtjevu.

Aplikantica, može aplicirati neograničenim brojem poslovnih planova, ali će samo jedan biti podržan.

Iznos sredstava iz Javnog poziva koja se dodjeljuju po jednoj aplikantici iznosi 10.000,00 KM.

Druga faza

Objava rezultata javnog poziva izvršit će se do 14.11.2022.godine, nakon čega će se donijeti konačna odluka o izboru.

Treća faza

Nakon odabira najboljih biznis planova, sklapa se tripartitni Ugovor sa aplikanticama koje prvi put registruju biznis u kojem će se definisati prava i obaveze Opštine Kozarska Dubica, USAID/INSPIRE-a i podnosioca aplikacije.

Ugovor sa odabranim aplikanticama će se potpisati na maksimalan period od godinu dana. Odabrane aplikantice će imati ugovornu obavezu da u roku od maksimalno dva mjeseca (60 dana) od dana potpisivanja ugovora pravno registriraju svoju djelatnost. Odabrane aplikantice će imati ugovornu obavezu da budu vlasnice registrirane djelatnosti i uposlenice te djelatnosti.

Način isplate sredstava odabranim aplikanticama

Isplata sredstava uslijedit će nakon potpisivanja tripartitnih ugovora sa odabranim aplikanticama, a sredstva će biti uplaćena direktno na račun biznisa koji aplikantica pokreće prvi put. Isplata sredstava, vršit će se avansno na mjesečnom nivou, a na osnovu zahtjeva i uredno dostavljene dokumentacije za finansijsko izvještavanje.

U skladu sa Sporazumom između vlade SAD i BiH o ekonomskoj, tehničkoj i srodnoj pomoći za BiH, za nastale troškove po osnovu potpisanog ugovora, koji se finansiraju iz udjela sredstava USAID/INSPIRE-a, moguće je provesti proceduru u svrhu povrata PDV-a.

Tajnost i povjerljivost plana

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Komsije za ocjenjivanje i zaposleni u Opštini Kozarska Dubica, te druge osobe koje su uključene u realizaciju ovog programa obavezuju se na zaštitu povjerljivosti i tajnost.

Podrška Opštine Kozarska Dubica i USAID/INSPIRE-a

Opština i USAID/INSPIRE će organizovati edukaciju za sve zainteresirane u pogledu popune obrasca aplikacije i odgovoriti na sva dodatna pitanja. Planirani termin održavanja edukacije je 12.10.2022. godine sa početkom u 11.00 sati.

Opština Kozarska Dubica i USAID/INSPIRE za uspješno ocijenjene bisnis planove može osigurati:

- troškove registracije firme,
- dio ili u cijelosti troškove zakupnine prostora u prvoj godini obavljanja djelatnosti,
- dio ili u cijelosti troškove knjigovodstvenih usluga u prvoj godini obavljanja djelatnosti,
- trošak minimalnih poreza i doprinosa u prvoj godini obavljanja djelatnosti,
- dio ili u cijelosti troškove uređenja i opremanja poslovnog prostora do visine odobrenih sredstava,
- dio ili u cijelosti troškove nabavke poljoprivrednih sirovina i stoke do visine odobrenih sredstava,
- dio ili u cijelosti troškove nabavke opreme, mašina, alata, materijala koji moraju biti **novi** do visine odobrenih sredstava
- dio ili u cijelosti troškove promocije.

Sve nabavke moraju biti realizovane od strane pravnog lica i isključivo vezane za djelatnost koja je predmet biznis plana.



USAID
FROM THE AMERICAN PEOPLE



Ciljevi javnog poziva

Probuditi preduzetnički duh među marginaliziranim grupama žena; motivisati početnice i kreativne pojedince s inovativnim i provedivim poslovnim idejama; obuka o procesu stvaranja novih poslovnih mogućnosti; omogućiti ženama stvarno pokretanje vlastitog posla.

Način podnošenja prijave na Javni poziv

Prijave sa dokumentacijom podnose se Odjeljenju za privredu Opštine Kozarska Dubica, ul. Svetosavska br.5, 79240 Kozarska Dubica, sa naznakom „Za Komisiju za dodjelu sredstava u sklopu Programa podrške zaštiti ljudskih prava“, s navedenom adresom, lično u šalter sali opštine ili poštom.


Sve dodatne informacije u vezi sa Javnim pozivom se mogu dobiti u Odjeljenju za privredu Opštine Kozarska Dubica, kancelarija broj 24, broj telefona: 052-416-021, e-mail: privreda@kozarskadubica.org.

Broj: 01-40-41/4-22

Mjesto, datum: Kozarska Dubica, 26.09.2022.godine

Dostavljeno:

1. Mediji
2. Arhiva



NAČELNIK OPŠTINE
Mr sci. dr med. Radenko Reljić